



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01-_____/_____
Datum: _____, 2020. godine

PRIJEDLOG

Na osnovu člana 14. Statuta Općine Tešanj ("Službeni glasnik Općine Tešanj" broj 11/07), člana 22. Poslovnika o radu Općinskog vijeća Tešanj ("Službeni glasnik Općine Tešanj" broj 3/18), Općinsko vijeće Tešanj na svojoj ____ sjednici održanoj dana _____, donosi

ODLUKU

**o izmjeni i dopuni Odluke o utvrđivanju uslova i kriterija
za izbor i imenovanje članova radnih tijela Općinskog vijeća Tešanj**

Član 1.

Ovom odlukom vrši se izmjena i dopuna Odluke o utvrđivanju uslova i kriterija za izbor i imenovanje članova radnih tijela Općinskog vijeća Tešanj ("Službeni glasnik Općine Tešanj" broj 4/18), te se mijenja član II. stav 6. i glasi:

„- Da ispunjava uslove u pogledu stručne spremlje, kako slijedi:

- a) Statutarno – pravna komisija - svi članovi treba da imaju visoku stručnu spremu VII stepen (najmanje 180 ETCS bodova) pravni smjer.
- b) Komisija za monitoring nad realizacijom Strategije razvoja Općine Tešanj - svi članovi treba da imaju visoku stručnu spremu VII stepen (najmanje 180 ETCS bodova) smjer ekonomija, privreda ili tehnički smjer.
- c) Komisija za budžet - svi članovi treba da imaju visoku stručnu spremu VII stepen (najmanje 180 ETCS bodova), ekonomski smjer.
- d) Komisija za praćenje primjene kodeksa ponašanja vijećnika i javnosti rada Vijeća – članovi sa minimalno IV stepen školske spremlje, sa obavezom da jedan član komisije ima visoku stručnu spremu VII stepen (najmanje 180 ETCS bodova) pravni smjer.
- e) Komisija za pitanja mladih i ravnopravnost polova - članovi sa minimalno IV stepen školske spremlje tehničkog ili prirodnog smjera, sa obavezom da jedan član komisije ima visoku stručnu spremu VII stepen (najmanje 180 ETCS bodova) društvenog ili tehničkog smjera.
- f) Komisija za zaštitu čovjekove okoline - članovi sa minimalno IV stepen školske spremlje tehničkog ili prirodnog smjera, sa obavezom da jedan kandidat bude visoka stručna spremlje VII stepen (najmanje 180 ETCS bodova), smjer zaštite okoliša, ekologije ili dugi tehnički smjer...”

Član 2.

U članu VI na kraju teksta dodaje se četvrti stav sa sljedećim tekstom:

„Mandat članova radnih tijela imenovanih od aktuelnog saziva Općinskog vijeća traje koliko i mandat Općinskog vijeća, odnosno do imenovanja novih radnih tijela od strane novog saziva Općinskog vijeća.“

Dostavljeno:

1. Komisija za izbor i imenovanje
2. a/a

PREDSJEDAVAJUĆI VIJEĆA

Senad N. Subašić, dipl.oec

O b r a z l o ž e n j e

I – PRAVNI OSNOV

Pravni osnov za donošenje ove Odluke sadržan je u članu 14. Statuta Općine Tešanj ("Službeni glasnik Općine Tešanj" broj 11/07) i članu 22. Poslovnika o radu Općinskog vijeća Tešanj ("Službeni glasnik Općine Tešanj" broj 3/18),

II – RAZLOZI ZA DONOŠENJE

Općinsko vijeće Tešanj na svojoj 27. redovnoj sjednici održanoj dana 27.03.2019.godine razmatrajući Prijedlog Rješenja o imenovanju komisija Općinskog vijeća Tešanj, usvojilo Zaključak „Da Komisija za izbor i imenovanje pripremi novi prijedlog Odluke o utvrđivanju uslova i kriterija za izbor i imenovanje članova radnih tijela Općinskog vijeća Tešanj.

Zaključak je usvojen na prijedlog predsjednika Komisije za izbor i imenovanje a radi uočenih nedostataka u toku provođenja procedure izbora i imenovanja radnih tijela.

Komisija za izbor i imenovanje je u saradnji sa stručnim odjelom općine ponovo razmatrala Odluku i prijedlog sa izmjenama i dopunama Odluke dostavlja Općinskom vijeću na razmatranje i usvajanje.



PREDLAGAČ
Komisija za izbor i imenovanje

H. Kasim
Predsjednik, Kasim Huskić

Broj: 01-02-1-776-19/18

Datum: 19.02.2020.godine



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01-02-2-776-2/18

Datum: 06.04.2018. godine

Na osnovu člana 14. Statuta Općine Tešanj ("Službeni glasnik Općine Tešanj" broj 11/07), člana 22. Poslovnika o radu Općinskog vijeća Tešanj ("Službeni glasnik Općine Tešanj" broj 7/08, 1/12, 7/12, 7/14 i 1/18), Općinsko vijeće Tešanj na svojoj 17. sjednici održanoj dana 04.06.2018. godine, donosi

ODLUKU

**o utvrđivanju uslova i kriterija za izbor i imenovanje članova
radnih tijela Općinskog vijeća Tešanj**

I

Ovom odlukom utvrđuju se uslovi za izbor i imenovanje članova radnih tijela Općinskog vijeća Tešanj. Pod uslovima u smislu ove odluke smatraju se opći i posebni uslovi: stepen obrazovanja, stručno zvanje, radno iskustvo, kao i drugi uslovi utvrđeni ovom odlukom. Ova odluka odnosi se na imenovanje članova u sljedećim stalnim radnim tijelima Općinskog vijeća: Statutarno – pravnu komisiju; Komisiju za praćenje primjene kodeksa ponašanja vijećnika i javnosti rada Vijeća; Komisiju za pitanja mladih i ravnopravnost polova; Komisiju za zaštitu čovjekove okoline; Komisiju za monitoring nad realizacijom Strategije razvoja Općine Tešanj i Komisiju za budžet.

Opći uslovi

II

Kandidat treba da ispunjava sljedeće opće uslove:

1. Da je državljanin Bosne i Hercegovine.
2. Da ima prebivalište na području općine Tešanj.
3. Da mu radni odnos na bilo kojoj razini vlasti u BiH nije prestao po osnovu disciplinske mjere, u period od dvije godine prije objavljivanja javnog poziva.
4. Da nije pod optužbom Međunarodnog suda za bivšu Jugoslaviju (član IX stav 1. Ustava BiH).
5. Da nije osuđivan za krivična djela ili prekršaj koji ga čini nepodobnim za obavljanje dužnosti za koju se kandidira.
6. Da ima najmanje srednju stručnu spremu – IV stepen, uz sljedeće utvrđene izuzetke:
 - a) U svaku komisiju mora da bude imenovan minimalno jedan član sa visokom stručnom spremom (najmanje 180 ETCS bodova);
 - b) U Statutarno-pravnoj komisiji, Komisiji za Budžet i Komisiji za monitoring nad realizacijom Strategije razvoja Općine Tešanj potrebno je da svi kandidati imaju visoku stručnu spremu (najmanje 180 ETCS bodova).
7. Da ima najmanje 3 (tri) godine iskustva.

Posebni uslovi

III

Za donošenje konačne rang liste kandidata na osnovu koje će se vršiti predlaganje odluke o izboru članova radnih tijela, pored općih uslova, uzet će se u obzir i posebni uslovi koje budu ispunjavali kandidati, i to:

1. Da ima rezultate i iskustvo u radu iz oblasti koja je u vezi sa nadležnosti jednog od radnih tijela.

2. Da poznaje Statut i Poslovnik o radu Općinskog vijeća.

Sačinjavanje rang listi

IV

Kandidati su dužni dostaviti prijavu na propisanom obrascu koji je sastavni dio ove odluke.

Kandidati koji budu ispunjavali Opće uslove propisane ovom odlukom uvrstit će se na listu uspješnih kandidata, a oni kandidati koji ne budu ispunjavali Opće uslove uvrstit će se na listu kandidata koji ne ispunjavaju uslove.

Kod kandidata koji bude ispunjavao Opće uslove uzet će se u obzir i Posebni uslovi iz ove odluke, od čega će zavisiti i konačno rangiranje na listi uspješnih kandidata.

Konačno imenovanje članova radnih tijela vršit će u skladu sa rang listom.

Izborni postupak i imenovanje

V

Proceduru za izbor članova radnih tijela provodi Komisija za izbor i imenovanje Općinskog vijeća Tešanj (u daljem tekstu Komisija).

Javni poziv za dostavljanje prijava objavljuje se na zvaničnoj internet stranici Općine Tešanj, lokalnim medijima sa kojima Općina Tešanj ima potpisan ugovor i oglasnoj ploči.

Javni poziv ostaje otvoren minimalno 10 dana od dana objavljivanja.

VI

Po zatvaranju javnog poziva Komisija razmatra dostavljene prijave i utvrđuje rang liste.

U slučaju da se na javni poziv prijave kandidati sa sličnim ili istim kvalifikacijama, Komisija će organizovati intervju sa tim kandidatima, a kako bi se donijela što kvalitetnija odluka.

Komisija o provedenoj proceduri podnosi izvještaj Općinskom vijeću Tešanj sa prijedlogom članova za imenovanje sa utvrđene rang liste uspješnih kandidata, vodeći računa o ravnomjernoj zastupljenosti oba pola.

VII

U slučaju da neki od članova radnih tijela prestane sa radom u radnom tijelu, Općinsko vijeće će na upražnjeno mjesto imenovati sljedećeg kandidata sa usvojene rang liste uspješnih kandidata, a na prijedlog Komisije, a ukoliko nema kandidata na listi uspješnih, popuna se vrši javnim pozivom.

U slučaju kada se na javni poziv ne prijavi dovoljan broj kandidata ili kada u slučaju kada naknadnu popunu upražnjenih mjesta nije moguće izvršiti sa rang liste uspješnih kandidata, privremeno se za člana radnog tijela može imenovati i član iz reda vijećnika. Privremeno imenovanje vijećnika vrši se na period ne duži od 6 mjeseci i izuzetno se može produžiti za dodatnih 6 mjeseci, a kako se ne bi ugrozilo funkcionisanje radnih tijela.

Podnošenje prigovora

VIII


Prigovor na proceduru izbora člana radnog tijela podnosi se Drugostepenoj općinskoj komisiji za postupanje po žalbama i predstavkama.

IX

Ova odluka stupa na narednog dana od dana objavljivanja u "Službenom glasniku Općine Tešanj."

Dostavljeno:

1. Službeni glasnik općine Tešanj
2. Komisija za izbor i imenovanje
3. a/a



PREDSJEDAVAJUĆI VIJEĆA
Senad N. Subašić, dipl.oec.



OPĆINA TEŠANJ

OBRAZAC PRJAVE ZA za člana radnog tijela Općinskog vijeća Tešanj

R.b.		Upisati podatke
1	Ime i prezime kandidata	
2	Datum i mjesto rođenja	
3	Adresa stanovanja	
4	Podaci o traženoj školskoj spremi	
5	Kontakt telefon	
6	Mail (ukoliko posjedujete)	
7	Podaci o traženom iskustvu (navesti trajanje ranog staža, odnosno iskustva na principu godina/mjesec/dan, i naziv poslodavca ili institucije kod kojeg je stečeno iskustvo)	
8	Navesti ukoliko imate iskustvo u radu Općinskog vijeća, radnim tijelima Općinskog vijeća ili drugim nivoima vlasti	
9	Upisati ukoliko posjedujete određeni status npr. invalidnost, pripadnik boračke kategorije	
10	U ovoj rubrici možete navesti posebne vještine koje posjedujete, kao i određeno iskustvo npr. na projektima ili poslovima	

11	U ovoj rubrici upisivanjem broja pored navedenih komisija izvršite rangiranje u kojoj komisiji bi mogli dati najveći doprinos	☐ Statutarno – pravna komisija; ☐ Komisiju za praćenje primjene kodeksa ponašanja vijećnika i javnosti rada Vijeća; ☐ Komisiju za pitanja mladih i ravnopravnost polova; ☐ Komisiju za zaštitu čovjekove okoline; ☐ Komisiju za monitoring nad realizacijom Strategije razvoja Općine Tešanj ☐ Komisiju za budžet
12	Izjavljujem da mi sudskom presudom nije zabranjeno obavljanje poslova za koje se prjavljujem	
13	Izjavljujem da nisam otpušten/a iz državne službe kao rezultat disciplinske mjere u periodu od dvije godine prije objavljivanja javnog oglasa na bilo kojem nivou vlasti u Federaciji, odnosno BiH	
14	Izjavljujem da nisam obuhvaćen/a članom IX. 1 Ustava BiH	

Pod punom materijalnom i krivičnom odgovornošću izjavljujem/tvrdim da su podaci koji se nalaze u ovom obrascu istiniti i tačni.

U prilogu dostavljam:

1. _____
2. _____
3. _____
4. _____
5. _____

Prijavu podnio i izjavu dao

Ime i prezime (napisati jasno ime i prezime, a pored toga se potpisati)

*Obrazac se može popuniti elektronski ili ručno, ali se preporučuje elektronski radi prostora koji je moguće proširiti u slučaju potrebe kandidata.